

552:
MAHATHIR

(EMBARGO% UNTUK SIARAN SELEPAS JAM 5.00 PETANG INI, 15 NOV)

1975
KUALA LUMPUR, 15 NOV. (BERNAMA) -- MENTERI PELAJARAN, DR. MAHATHIR MOHAMAD, HARI INI MENSIFATKAN KEENGGANAN SETENGAH-SETENGAH GURU WANITA YANG BERKELULUSAN TINGGI BERTUGAS DI SEKOLAH-SEKOLAH LUARBANDAR, SEBAGAI PROSES +PENGASINGAN+ ANTARA GULUNGAN BIJAK PANDAI DARI SISI RAKYAT.

KATANYA, SEGALA RANCANGAN DAN USAHA KERAJAAN MENGURANGKAN JURANG PERBEZAAN MUTU PELAJARAN DAN MEMBAIKI KEDUDUKAN GULUNGAN MUNDUR DI NEGARA INI TIDAK AKAN BERHASIL SEKIRANYA GULUNGAN TERPELAJAR INI TIDAK MERASA BERTANGGUNGJAWAB MENGLONG RAKAN-RAKAN YANG MASIH TERTINGGAL OLEH KEMAJUAN INI.

SEBAGAI KUMPULAN ELITE, MEREKA INI SEHARUSNYA MENYEDARI TANGGUNG-JAWAB UNTUK MEMBUAT SUMBANGAN TENAGA DAN PENGETAHUAN BAGI MEMBAIKI KEDUDUKAN MASYARAKAT YANG KURANG BERNASIB BAIK.

DR. MAHATHIR BERKATA DEMIKIAN DALAM UCAPAN DIUPACARA PENUTUP SEMINAR DUA HARI MENGENAI +PERANAN WANITA DALAM BIDANG-BIDANG PELAJARAN TINGGI DAN IMPLIKASINYA+ DI UNIVERSITI MALAYA DISINI. UCAPANNYA DIBACAKAN OLEH TIMBALANNYA, ENCIK CHAN SIANG SUN.
BERSAMRINC 1545/BY

553:

MAHATHIR 2 KUALA LUMPUR (EMBARGO)

BELIAU BAGAIMANAPUN, BANGGA DENGAN KEJAYAAN DAN KEMAJUAN YANG DICAPAI OLEH KAUM WANITA DI NEGARA INI DALAM BIDANG PELAJARAN TINGGI.

KATANYA, PENDIDIKAN TINGGI YANG DIPEROLEHI OLEH WANITA-WANITA MALAYSIA TELAH DAPAT MELAHIRKAN KUMPULAN YANG BOLEH BERFIKIR, BERCAKAP SERTA BERTINDAK UNTUK MEMPERBAIKI KEDUDUKAN KAUM SEJENIS MEREKA.

BELIAU BERKATA, MEMANG MENJADI SASDASAR KERAJAAN MEMBERI PELUANG SAMARATA KEPADA RAKYAT, TANPA MENGIKUT LELAKI ATAU WANITA, UNTUK MEMBUAT SUMBANGAN MEREKA MENGIKUT KADAR KEMAMPUAN Masing-masing.

BERTAMBAHNYA BILANGAN WANITA YANG MEMASUKI BIDANG-BIDANG KEGIATAN YANG DULUNYA HANYA DIPEGANG OLEH KAUM LELAKI SAJA, ADALAH SATU GEJALA SIHAT TENTANG BETAPA LUASNYA PENGLIBATAN MEREKA

DALAM KEHIDUPAN NEGARA DAN INI ADALAH PERTANDA BAIK BAGI KAUM WANITA DI MALAYSIA.

BELIAU YAKIN PEMBEBASAN WANITA MALAYSIA AKAN MENCAPAI TARAF YANG SETANDING DENGAN WANITA-WANITA DI NEGARA-NEGARA TELAH MAJU, TANPA MELUPAKAN NILAI-NILAI KETIMURAN DAN KEROHANIAN.--BERNAMA
1553/BY